

ქ. რუსთავი

27 თებერვალი 2020 წელი

ერთი მხრივ, ქალაქ რუსთავის მუნიციპალიტეტი (შემდგომში „შემსყიდველი“) წარმოდგენილი ქალაქ რუსთავის მუნიციპალიტეტის მერის მოადგილის ირმა მესხის სახით და მეორე მხრივ, შპს „მიალე“ (შემდგომში „მიმწოდებელი“) წარმოდგენილი მისი დირექტორის ალექსანდრე მიქელაძის სახით, „სახელმწიფო შესყიდვების შესახებ“ საქართველოს კანონის და პრეტენდენტის (შპს „მიალე“) სატენდერო წინადადების საფუძველზე, NAT200003542 ელექტრონული ტენდერი აუქციონის გარეშეს ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ.
- 1.6 „მხარე“ - „შემსყიდველი“ ან/და „მიმწოდებელი“.
- 1.7 „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 სოციალური დახმარების პროგრამის ფარგლებში, 3 მარტის, დედის დღესთან დაკავშირებით საჩუქრების შესყიდვა. (CPV15800000)
- 2.2 „მიმწოდებლის“ მიერ ხელშეკრულებით ნაკისრი ვალდებულებების აღწერა და მოცულობა მოცემულია ხელშეკრულებაზე თანდართულ დანართ №1-ში.

3. ხელშეკრულების ღირებულება

- 3.1 ხელშეკრულების საერთო ღირებულება შეადგენს 4 821.61 (ოთხი ათას რვაასოცდაერთი ლარი და 61 თეთრი) ლარს დღგ-ს გათვალისწინებით. (საქონლის ღირებულება დღგ-ს გარეშე 4 086.11 (ოთხი ათას ოთხმოცდაექვსი ლარი და 11 თეთრი) ლარი, ხოლო დღგ-ს თანხა 735.50 (შვიდასოცდათხუთმეტი ლარი და 50 თეთრი) ლარი).
- 3.2 ხელშეკრულების საერთო ღირებულება მოიცავს „მიმწოდებლის“ მიერ ხელშეკრულებით გათვალისწინებული ვალდებულებების შესრულებასთან დაკავშირებულ ყველა ხარჯსა და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმები და ვადები

- 4.1 „მიმწოდებელთან“ ანგარიშსწორება განხორციელდება უნაღდო ანგარიშსწორებით ლარში.
- 4.2 ანგარიშსწორება იწარმოებს „მიმწოდებლის“ მიერ ფაქტიურად მიწოდებული საქონლის დამადასტურებელი შესაბამისი მიღება-ჩაბარების აქტის, საგადასახადო ანგარიშ-ფაქტურისა და სასაქონლო ზედანდების წარმოდგენის საფუძველზე.
- 4.3 ანგარიშსწორების ვადა: 4.2 პუნქტით გათვალისწინებული დოკუმენტაციის წარმოდგენიდან 10 (ათი) სამუშაო დღე.
- 4.4 დაფინანსების წყარო: 2020 წლის ადგილობრივი ბიუჯეტი.

5. მიღება-ჩაბარების წესი

- 5.1 „მიმწოდებლის“ მხრიდან ხელშეკრულებით ნაკისრი ვალდებულება ჩაითვლება შესრულებულად შესაბამისი მიღება-ჩაბარების აქტზე ხელმოწერის დღიდან.
- 5.2 შემსყიდველის მხრიდან მიღება-ჩაბარების აქტზე ხელს აწერს ქალაქ რუსთავის მუნიციპალიტეტის მერიის პირველადი სტრუქტურული ერთეულის ჯანდაცვის, სოციალური მომსახურების, განათლების, კულტურის, სპორტისა და ახალგაზრდული განვითარების სამსახურის ხელმძღვანელი, ხოლო მიმწოდებლის მხრიდან შპს „მიალე“-ს წარმომადგენელი.
- 5.3 მიღება-ჩაბარების აქტში მითითებული უნდა იყოს:
 - „მიმწოდებლის“ მიერ შესრულებული ვალდებულებების დასახელება.
 - „მიმწოდებლის“ მიერ შესრულებული ვალდებულებების ღირებულება.
 - „მიმწოდებლის“ მიერ შესრულებული ვალდებულებების აღწერა.

6. საქონლის მიწოდების ვადა და ადგილი

- 6.1 საქონლის მიწოდების ვადა: ხელშეკრულების გაფორმების შემდეგ, შემსყიდველის მოთხოვნიდან 2 (ორი) კალენდარული დღე.
- 6.2 საქონლის მიწოდების ადგილი: ქ. რუსთავი, მ. კოსტავას გამზ. №20.



მიმწოდებელი

7. მხარეთა უფლება-მოვალეობანი

7.1 შემსყიდველი უფლებამოსილია:

ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება.

ბ) არ ჩაიბაროს რაოდენობრივად, ხარისხობრივად ან უფლებრივად ნაკლული საქონელი.

გ) იმ შემთხვევაში, თუ ხელშეკრულებით გათვალისწინებული საქონლის მიწოდების ვადის ამოწურვის შემდგომ არ იქნება მიწოდებული საქონელი, ცალმხრივად შეწყვიტოს ხელშეკრულება.

7.2 შემსყიდველი ვალდებულია:

ა) უზრუნველყოს „მიმწოდებლის“ მხრიდან ხელშეკრულების საგნით ნაკისრი, შესრულებული ვალდებულებების ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით.

7.3 მიმწოდებელი უფლებამოსილია:

ა) მოთხოვოს შემსყიდველს ხელშეკრულების საგნით ნაკისრი, შესრულებული, ვალდებულებების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4 მიმწოდებლის ვალდებულებები:

ა) სრულად და ჯეროვნად შეასრულოს ხელშეკრულებით ნაკისრი ვალდებულება სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულების 6.1 პუნქტში.

ბ) მოწოდებული საქონლისათვის წუნის აღმოჩენის შემთხვევაში მიმწოდებელმა უნდა უზრუნველყოს აღნიშნული დეფექტური საქონლის შეცვლა შემსყიდველის მოთხოვნის შესაბამისად, მოთხოვნიდან 1 (ერთი) კალენდარული დღის განმავლობაში.

გ) უზრუნველყოს საქონლის მიწოდება დანართი №1-ის შესაბამისად.

დ) ზემოაღნიშნული საკვები პროდუქტების ვარგისიანობაზე სრული პასუხისმგებლობა ეკისრება მიმწოდებელს.

8. ხელშეკრულებით ნაკისრი ვალდებულებების შესრულების ინსპექტირება

8.1 ხელშეკრულებით ნაკისრი ვალდებულებების შესრულების ინსპექტირებას განახორციელებს ქალაქ რუსთავის მუნიციპალიტეტის მერიის ჯანდაცვის, სოციალური მომსახურების, განათლების, კულტურის, სპორტისა და ახალგაზრდული განვითარების სამსახური.

8.2 ინსპექტირების გამწევის ფუნქციები:

ა) „მიმწოდებლის“ მიერ ხელშეკრულებით ნაკისრი ვალდებულებების ხარისხსა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება, მიღება-ჩაბარების აქტის გაფორმება.

ბ) სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება.

გ) „მიმწოდებლის“ მიერ ხელშეკრულებით ნაკისრი შესრულებული ვალდებულებების ნაკლოვანებებს ინსპექტირების გამწევი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.

8.3 „მიმწოდებლის“ მიერ ხელშეკრულებით ნაკისრი ვალდებულებების შესრულებისას გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

9. ხელშეკრულების პირობების შეუსრულებლობა

9.1 „მიმწოდებლის“ მიერ ხელშეკრულებით ნაკისრი ვალდებულებების შესრულების ვადის გადაცილების შემთხვევაში, „მიმწოდებელს“ დაეკისრება პირგასამტეხლო - ერთჯერადად, ხელშეკრულების შეუსრულებელი ვალდებულების ღირებულების 5%-ის ოდენობით, ხოლო ყოველ ვადაგადაცილებულ დღეზე ხელშეკრულების შეუსრულებელი ვალდებულების ღირებულების 0.1%-ის ოდენობით.

9.2 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 მხარე ვალდებულია 10.4 პუნქტით გათვალისწინებული გადაწყვეტილების მიღების განზრახვის შესახებ არანაკლებ 3 (სამი) სამუშაო დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10.7 ხელშეკრულება შედგენილია ქართულ ენაზე, რომელიც მხარეთა მიერ დამოწმებულია ელექტრონულად კვალიფიციური ხელმოწერით/შტამპით.

შემსყიდველი

მიმწოდებელი

11. დაუძლეველი ძალა

- 11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გაწეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ.
- 11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის ხელშეკრულების დასაწყისში მითითებული თარიღიდან და მოქმედებს 2020 წლის 31 დეკემბრის ჩათვლით.

რეკვიზიტები

„შემსყიდველი“
ქალაქ რუსთავის მუნიციპალიტეტი მის: ქ. რუსთავი, მ. კოსტავას გამზირი №20 საიდენტიფიკაციო კოდი №216433287 სახელმწიფო ხაზინა ხაზინის ერთიანი ანგარიში ბ/კ: TRESGE22 ა/ა: №GE24NB0330100200165022
ქალაქ რუსთავის მუნიციპალიტეტის მერის მოადგილე



„მიმწოდებელი“
შპს „მიალე“ მის: ქ. თბილისი, თიანეთის გზატ., №8, ბ. 40 საიდენტიფიკაციო კოდი №400214184 ტელ: 599 31-31-50 სს „თიბისი ბანკი“ ბ/კ: TBCBGE22 ა/ა: №GE50TB7631736080100007
შპს „მიალე“-ს დირექტორი

ალექსანდრე მიქელაძე

ინსპექტირებაზე პასუხისმგებელი სამსახურის ხელმძღვანელი: ნინო ქვირია

(Handwritten signature in blue ink)

დანართი №1

დასახელება	სასაჩუქრე პაკეტის აღწერილობა	წარმოშობის წყარო (მწარმოებელი ქვეყანა)	მწარმოებელი კომპანია	მოდელი	სასაჩუქრე პაკეტების რაოდენობა (ცალი)	ერთეულის ფასი (ლარი)	საერთო ფასი (ლარი)
სოფიალური დახმარების პროგრამის ფარგლებში, 3 მარტის, დედის დღესთან დაკავშირებით საჩუქრები	შოკოლადის ტრიუფლების სასაჩუქრე ნაკრები, მოთავსებულია მუყაოს კოლოფში. 1 კოლოფის მოცულობა არის არანაკლებ - 150 გრ. 1 ცალი	ბელოია	კამლეტ ნვ	შოკოლადის ტრიუფელი "კუბიკი"			
	შოკოლადში ამოვლებული ქოქისის ფანტელეებში მოყვანილი ხრაშუნა კაფლის ტორტი, რომელიც შეფუთულია მუყაოს კოლოფში. შეფუთვის მოცულობა არის არანაკლებ - 255 გრ. - 1 ცალი	საქართველო	შპს "გარამბი"	"ჰარმონია"			
	მინი რულეტების შეფუთული ნაკრები - რულეტები არის შოკოლადის ან/და ხილის ჯემის შიგთავსით. თითოეულ შეფუთვაში არის არანაკლებ 5 ცალი მინი რულეტი, შეფუთვის მოცულობა არის არანაკლებ - 160 გრ. - 1 ცალი	რუსეთის ფედერაცია	რუსსკი ბისკვიტ	მინი რულეტი "რუსსკი ბისკვიტ"			
	ორცხობილა კაკოთი და ვანილით, შოკოლადის შიგთავსით, შეფუთულია მუყაოს კოლოფში, შეფუთვაში განთავსებულია არანაკლებ 24 ცალი ორცხობილა, შეფუთვის მოცულობა არანაკლებ 228 გრ. - 1 ცალი	უკრაინა	მონდელის უკრაინა	ორცხობილა "ორეო"	269	15.19	4086.11

	მისალოცი ღია ბარათი - ზომით: სიგანე არანაკლებ 9 სმ., სიგრძე არანაკლებ 14 სმ. (ბარათის დიზაინი და ბარათზე დასატანი ტექსტი შემსყიდველთან შეთანხმებით)	საქართველო	შპს "კოპიპრინტ-2000"	მისალოცი ღია ბარათი, მოდელი არ გააჩნია		
	მუყაოს ჩანთა, სადღესასწაულო გაფორმებით. ზომით: სიმაღლე - არანაკლებ 30 სმ., სიგანე - არანაკლებ 22 სმ., დასადგამის სიგანე - არანაკლებ 12 სმ. (დიზაინი შემსყიდველთან შეთანხმებით)	თურქეთი	ქერვან ამზალაქ	მუყაოს ჩანთა სადღესასწაულო გაფორმებით, მოდელი არ გააჩნია		

(თანამდებობა, სახელი, გვარი)

(ხელმოწერა)

ინფორმაცია ინტერესთა კონფლიქტის შესახებ

ქ. რუსთავი

27 თებერვალი 2020 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ჩამოთვლილი თითოეული პირი ხელის მოწერით ადასტურებს, რომ ქალაქ რუსთავის მუნიციპალიტეტის მიერ, 2020 წლის 11 თებერვლის სატენდერო განცხადების NAT200003542 ელექტრონული ტენდერი აუქციონის გარეშეს საშუალებით, სოციალური დახმარების პროგრამის ფარგლებში, 3 მარტის, დედის დღესთან დაკავშირებით საჩუქრების შესყიდვის განხორციელებაში შპს „მიალე“-ს (ს/კ 400214184) მონაწილეობა არ იწვევს ინტერესთა კონფლიქტს.

ქალაქ რუსთავის მუნიციპალიტეტის მერის
მოადგილე

ირმა მესხი



ქალაქ რუსთავის მუნიციპალიტეტის მერიის
პირველადი სტრუქტურული ერთეულის ჯანდაცვის,
სოციალური მომსახურების, განათლების, კულტურის,
სპორტისა და ახალგაზრდული განვითარების
სამსახურის ხელმძღვანელი



ნინო ქვირია